

■ Pengacara OKU buta tidak kekok kendali lebih 100 majlis

Shahrinnahar Latib
am@hmetro.com.my

Kuantan

Kekurangan diri akibat kehilangan deria penglihatan sejak dilahirkan bukan menjadi penghalang buat seorang lelaki orang kurang upaya (OKU) untuk mengacarakan majlis anjuran Persatuan Bagi Orang Buta Malaysia (MAB).

Begitu dibuktikan Fadzlin Hiezrie Abd Rahman, 38, apabila berkeupayaan melakukan tugas mengacara majlis sejak berusia 19 tahun menyebabkan tidak kekok apabila berdepan orang ramai.

Katanya, walaupun cacat penglihatan, ia langsung tidak menjadi penghalang buat dirinya dalam mengejar cita-cita dalam bidang diminati.

"Ketika mula-mula berkecimpung dalam bidang ini



FADZLIN (kanan) ketika mengacarakan satu majlis yang dianjurkan Persatuan MAB di Kuantan.

(pengacara), saya masih belum bekerja dengan MAB. Majlis pertama yang saya acarakan adalah program rasmi membabitkan Ketua

Menteri Pulau Pinang ketika itu, Tan Sri Dr Koh Tsu Koon. "Mula-mula mengacara majlis, saya agak gementar namun demi minat saya be-

ranikan diri, tetapi kini tidak lagi gementar dan semakin berkeyakinan," katanya ketika ditemui, di sini, semalam.

Katanya, sebelum menga-

carakan majlis, dia akan mengambil nama orang kenamaan yang hadir dan menghafal semuanya.

"Saya tidak menggunakan

skrip ketika mengacara majlis, cuma saya ikut spontan saja, namun nama-nama orang kenamaan saya akan hafal," katanya berasal dari Kuala Lumpur.

Katanya, dia akan dibantu seorang teman ketika mengacarakan majlis bagi memaklumkan mengenai perjalanan sesuatu program itu.

"Sehingga kini saya mengacarakan lebih 100 majlis dan akan meneruskan minat ini sampai bila-bila.

"Ada juga orang yang memberikan pandangan negatif terhadap saya termasuk memandang rendah dan tidak yakin apabila melihat kecacatan saya namun ia langsung tidak mematahkan semangat saya," katanya.

Dalam pada itu, dia berharap ibu bapa yang mempunyai anak OKU supaya sentiasa berfikiran positif dan lebih terbuka untuk membantu golongan itu dalam meningkatkan taraf kemahiran mereka.

"Mereka (anak-anak OKU) akan meningkat dewasa, dan dengan kemahiran dalam pelbagai bidang sedikit-sebanyak dapat membantu mereka pada masa akan datang," katanya.

"Saya tidak guna skrip ketika mengacara majlis"
Fadzlin Hiezrie